

A8as ijak anamakamikong,
 Ki gat igom, a8i mok8akizok,
 Sitapimik endanakizodjik,
 Tanakizok kakike ickoteng.

Ainabik icpiming inakak,
 Engi 8ak8ing mitonenindamok,
 Ki gat ijam, an8enindizoieg,
 Indi kakik ki ga mina8asim.

Kit ininim mig8etc, kitci mig8etc,
 I ne8ieg meno mikomiieg :
 Kin nipo8in, tipakonige8in,
 8ak8i, gaie kin anamakamik.

Air : Fortunés habitants des cieux.

Kijikong endanakieg,
 Nongom i manadjihangitc
 8atc kitcit8a8isiminak
 Ketcit8a8isitc Louizon,
 Ondas, pi 8idjiihicinam :
 Ni 8i nikamota8anan
 Iaam k8enatc ockina8e
 Nongom 8atc mina8asimeg. (2)

8ineg kitcit8a Louizon,
 Ki 8indana8a tanasak
 Nib8aka8in, pinisi8in,
 K8enatc abinotcenji8in ;
 8abameg ij otcitcagocitc,
 Anotc onicici8inan,
 Tec gotc ki 8abandana8an,
 Ki makatenindana8an. (2)

K8atisiang, Tebenimin!
 Onzam ni 8initonomin,
 Onzam ni 8initehemin,
 Kitci nikamota8angitc
 Epitc pinitehetc Gonzag,
 Epitc gaie pinatisitc.
 Kina8a dac, Anjenitok,
 Ki ta nikamota8a8a. (2)

Tebenindamogobanen
 8ibatc o pakitenindan ;
 Kakina gotc o nagatan
 Endanitc o nikihi8o :
 Kakina o pake8ina
 Keiabate ij ockinikitc.
 Aki sa o manenindan,
 8ak8i o misa8enindan. (2)

Panitehetc ockina8e
 8ibatc Tebeningenidjin
 O ca8enindamitagon,
 8ibatc ot otapinigon,
 Ij apinitc Anjeni8a
 Na8 aii ot asigon,
 O pinitehe8in ondji
 Mi 8endji kitcit8a8ihintc. (2)

Kina8a, ockina8etok,
 Kina8a, k8i8isensitok,
 Mi iaam, mi sa gotc iaam
 Ke 8i kikina8abameg.
 Nongom, nongom ongajigak
 Songa pagosenimata
 Kitci gaganotamonang
 Kakik kitci piniteheng. (2)